



Колосдаггылагъа язылгъан кагъыз

Бу кагъызын Павел Румдаггы туснакъда олтургъан вакътисинде язгъан. Кагъыз Исагъа иман салгъанланы Павел оъзю танымайгъанлары учун язылгъан. Амма о Колосдаггы жыйында имангъа кыйышывлу гелмейген къаравлар яйылып барагъанын эшитген: сайки, Иса Месигъ Аллагъны Уланы тюгюл, бир малайикге ошагъан инсан деп уйретегенлер арагъа чыкыгъан. Жыйында аш, бир тюрлю байрамлар ва шолай да ягъуди къанунланы кютювю булан байлавлу гёрсетивлеге кёп агъамият бермеге башлагъан.

Шолагъа жавап гысапда Павел Иса Месигъ Ким экени, О бизин учун не этип гетгени гыкъда яза: О Аллагъны Уланы, «Къаркъараны Башы, демек иман салгъанланы Башчысы Одур. Гъар-бир затда алдын болмакъ учун, О олюлерден биринчилей болуп тиргизилген Башдыр», О бары да инсанланы айыпларын Оъзюню устыюне алгъан. О хачгъа илинип олюп гетген ва бизин оъзюбюзню гюнагъларыбыз учунгъу такъсырдан азат этген. Шолай пикир эте туруп, Павел Аллагъдан гелеген къутгъарылывну бир тюрлю къанунланы кютюв булан байлавлу этип сёйлемеге къарайгъанлагъа къаршы чыгъа. Месигъге иман салгъан адам бош сёйлевлеге, ялгъан гыкъбылгъа алданып къалмагъа тюшмей. Исагъа иман салгъан адам Раббиз рази къалагъан кюйде янгыз Аллагъны рагъмусуну кёмеклиги булан яшап бола.

Башлагъы саламлар

1 ¹Аллагъ буюруп, Иса Месигъни элчиси этилип танглангъан мен Павелден ва иман къардашыбыз Тимофейден ²Аллагъны Колосдаггы халкъына, Месигъ булан бирликдеги инамлы къардашлагъа салам! Атабыз Аллагъ сизге рагъму ва паракхатлыкъ берсин.

Павелни шюкюрлюгю ва дуасы

³Биз дуа этегенде, сизин учун гъар заман Раббиз Иса Месигъни Ата-сы Аллагъа шюкюр этебиз. ⁴Неге тюгюл де, Иса Месигъге сизин иман салагъаныгъызны ва Аллагъны бары да халкъына бакъгъан якъдагъы сюювюгюзню гъакъындагъы хабар бизге етишген. ⁵⁻⁶Неге тюгюл де, умут этеген затыгъыз сизин кёклерде къаравуллап тура. Сиз о гъакъда алда сизге етишген гъакъ гертилики сёзюнде – Сююнч Хабарда – эшитген эдигиз. Сиз Сююнч Хабарны эшитген ва Аллагъны зор яхшылыгъы гъакъында гертиден де англагъан гюнден берли, сизин арагъызда болгъанда йимик, бютюн дюнъяда Сююнч Хабар яхшы натижа гелтирип ва яйылып тербей. ⁷Сиз шо гъакъда сизин учун Месигъге инамлы кюйде къуллукъ этеген сююмлю иш ёлдашыбыз Эпафрасдан эшитдигиз. ⁸Дагъы да о бизге Аллагъны Ругъу сизге берген сюювню гъакъында хабарлады.

⁹Сизин гъакъыгъыздан башлап эшитген гюнден берли биз сизин учун даим дуа этебиз. Озью сюегенин сизге билдирсин, ачыкъ англав ва ругъ якъдан гъакъыллылыкъ берсин деп, Аллагъа тилейбиз. ¹⁰Сиз Раббизге лайыкълы болгъан яшав булан яшасын деп, гъар-бир ишигизде О ушатагъан кюйде иш гёрсюн деп, гъар рагъмулу иште сизин загъматыгъыз натижа берсин деп, сизин Аллагъа тюшювюгюз артсын деп, биз дуа этебиз. ¹¹⁻¹²Шону учун да сизде зор чыдамлыкъ ва къаттылыкъ болсун деп, Аллагъ сизин Озьюню макътавлу къудраты булан гючлендирсин дагъы. Сизге Озьюню нюрде яшайгъан халкъыны варислигинден пайыгъызны алма имканлыкъны савгъат этип бергенге Атабызгъа шат кюйде шюкюрлюк этигиз. ¹³О бизин къарангылыкъны гючюнден къутгъарып, Озьюню сююмлю Уланыны гъакимлигини тюбюнде яшамагъа ихтияр берди. ¹⁴Исadan таба биз азатлыкъны, гюнагъларыбызны гечивюн алдыкъ.

¹⁵Гёрюнемейген Аллагъны келпети ва бары яратывдан оърдеги Одур. ¹⁶Кёкдеги, ер юзюндеги, гёрюнеген, гёрюнемейген бары да затланы: пачаланы, гъакимлени, башчыланы, гъакимиятланы – Аллагъ Ондан таба яратды. Гъар зат Ондан таба ва Ону учун яратылды. ¹⁷О бары яратылгъан затдан алда болгъан. Ону къудраты булан бары да зат тизимли болду. ¹⁸Къаркъараны Башы, демек иман салгъанланы Башчысы Одур. Гъар-бир затда алдын болмакъ учун, О оьлюлерден биринчилей болуп тиргизилген Башдыр. ¹⁹Аллагъны бютюн толугузу, Озью Аллагъны буйругъуна гёре, Месигъде яшап тура. ²⁰Месигъни хачда тёгюлген къаны себепли болуп, Аллагъ кёклердеги ва ер юзюндеги бары да затны Ондан таба Озью булан ярашдырды.

²¹Озьюгюзню ойларыгъыз ва яман ишлеригиз саялы бир вакътилерде сиз Аллагъдан арекде эдигиз ва Огъар душман да дюр эдигиз. ²²Амма Месигъ Озьюню инсан къаркъарасы тарыгъан оьлюмюнден таба сизин Аллагъ булан ярашдырды. Шолукъда, О сизин гъеч бир тетиксиз, айыпсыз

ва юреклеригиз таза кюйде Аллагъны алдына гелтире, ²³эгер де, озокъда, сиз иманны къатты ва бек кюрчюсюнде дагъы да токътап турсагъыз. Сиз эшитген Сююнч Хабар берген умутдан тайышмай туругъуз. Шо Сююнч Хабар кёкню тюбюнде яшайгъан бары да халкъгъа билдирилген. Аллагъны тапшуруву булан мен Сююнч Хабар билдирмек учун къуллукъчу болдум.

Исагъа иман салгъанлар учун Павелни къуллукъ этивю

²⁴Магъа сизин учун азап чекмеге тюшгенге мен сююнемен. Месигъни къаркъарасы, демек Огъар иман салгъанланы жыйыны саялы азап чеге туруп, мен Ону къаркъарасы учун етишмейген затны толумлашдыраман. ²⁵Аллагъны тапшуруву булан мен Исагъа иман салгъанланы къуллукъчусу болдум. Озьюню каламын сизин пайдыгъыз учун толу кюйде етишдирмеге Аллагъ магъа тапшурду. ²⁶Алда асруланы боюнда Аллагъны сыры бары да наслулагъа яшырылгъан эди. Гъали буса ону Аллагъ Озьюню халкъына ачыкъ этди. ²⁷Аллагъ шо сырны бары байлыгъын ва макътавлугъун бары да халкъланы арасында ачыкъ этмеге сюйдю. Сыр буса Месигъ сизин ичигизде яшайгъанлыкъдадыр ва Озьюню макътавлугъуна сизин де ортакъчы этеген умутугъуз болуп токътайгъанлыкъдадыр.

²⁸Бары да адамланы Аллагъны алдында Месигъ булан бирликде камилешген гъалда гёрсетмеге сюебиз. Шо саялы олагъа Месигъни гъакъында билдирип, гъарисин насигъат ва Аллагъ берген гъакъыл булан уйретебиз. ²⁹Шону учун Месигъ магъа береген ва оьзюмде иш гёреген бары да гючлер булан загъмат да тегемен.

2 ¹Сизин пайдыгъыз учун, Лаодикиядагъы иман къардашланы ва гъали де оьзюм гёрмеген кёп башгъаланы пайдысы учун мен нечик къаныгъывлу загъмат тёкгенни сиз билгенигизни сюемен. ²Мен шону оланы ругъландырмакъ ва сюювде бирлешдирмек учун этемен. Олар Аллагъны сырын билмеклиги гелтиреген толу гъакъ инамлыкъгъа етгенни сюемен. Аллагъны сыры да Месигъдир. ³Гъакъылыны ва билимни бары да хазналары Онда яшырылгъан.

⁴Мен сизге шону арив сёзлер булан сизин бирев де алдатып болма-сын учун айтаман. ⁵Озьюм сизин булан тюгюл бусам да, сиз мени юрегимдесиз. Сиз тийишли кюйде яшайгъаныгъыз ва Месигъге бакъгъан якъдагъы сизин къатты иманыгъыз мени сююндюре.

Иса Месигъ яшавубузну толу эте

⁶Сиз Иса Месигъ Рабби экенни къабул этдигиз, шо саялы Ону булан биригип яшап къалыгъыз. ⁷Месигъде тамурлашыгъыз, оьзюгюзню яшавугъузну Ону уьстюнде къуругъуз, сизин уйретген кюйде оьзюгюзню иманыгъызда беклешигиз ва Аллагъа артыкъ кюйде шюкюрлюк этигиз.

⁸ Месигге асасланмагъан, амма инсан адатларына ва бу дюньягъа гъакимлик этип турагъан къайдалагъа асаслангъан гъар къайсы болуп да бир бош ва пайдасыз илму булан сизин бирев де есир этмесин учун, вѳрегиз, сакъ болугъуз. ⁹ Аллагъны бютюн толугъу Месигде, Ону инсан къаркъарасында яшай. ¹⁰ Ону булан биригип, сиз де яшавну толугъун тапдыгъыз. О буса бары да ругъланы гъакимлерини ва башчыларыны устынде токътагъан.

¹¹ Сизге сюннет Месигге иман салгъанда этилди. Шо сюннетни буса инсанлар тююл, Месигъ этди. Булай демек – О сизин гюнагълы табиятыгъызны гючюнден азат этди. ¹² Сувгъа чомдуруп, озюгюзню Аллагъга тапшуртгъанда, сиз Ону булан бирче гѳмюлген йимик болдугъуз. Шо заман сиз дагъы да Месигъни олюмден тирилтген Аллагъны кудратына бакъгъан якъдагъы иманыгъыздан таба Ону булан бирче тирилдигиз.

¹³ Алда гюнагъларыгъызны ва сюннетсиз гюнагълы табиятыгъызны себебинден сиз олюлер эдигиз, амма Аллагъ сизин Месигъ булан бирче тирилтди. О бизин бары да гюнагъларыбызны гечди. ¹⁴ Месигъ Къанунну буйрукълары булан бизге тѳлевге гѳрсетилген бары да борчланы язвун ѳкъ этди. О шо язвуну хачгъа илинип ѳкъ этди. ¹⁵ Аллагъ ругъланы гъакимлерин ва гъакимиятларын савутсузландырды, хачны гючу булан олардан устын гелди ва Озюню устынлюгюню юрюшюнде оланы есирлер йимик юрютю.

¹⁶ Ашайгъан-ичеген затыгъызгъа къарап, бир-бир дин байрамланы, ай янгырып чыгъагъан заманны яда сонгугюнлени белгилемейгенигизге къарап, сизин бирев де айыпламасын. ¹⁷ Бу чу янгыз гелмеге тарыкълы болгъан затны гѳленткиси, гъакъыкъат буса Месигъдедир. ¹⁸ Озь-озюн тѳбен салмагъа, малайкелеге сужда кълмагъа сюегенлени, озлер гѳреген затланы гъакъда айтып юрюйгенлени сизин айыплама къоймагъыз. Шолай адам бу дюньядагъы гъакъылы ѳлбашчылыкъ этип, бир себепсиз окътемлигинден шишип айланар. ¹⁹ Олар санлары бир-бири булан бирлешген ва Аллагъ сюеген кюйде оьсеген бютюн къаркъараны юрютеген Баш булан – Месигъ булан – байлавлугъун тас этгенлер.

²⁰⁻²¹ Месигъ булан бирче олюп, сиз бу дюньягъа гъакимлик этип турагъан къайдалардан эркин болдугъуз. Неге дагъы дюньяда яшайгъанда йимик, «Муну тутма!», «Ону ашама!», «Огъар тийме!» деген йимик къайдаланы юрютесиз? ²² Булар барысы да янгыз инсан къайдаларыдыр ва насигъатларыдыр. Шолай къайдалар ва насигъатлар озлерден пайдаланып битген сонг ѳкъ этилме тарыкълы болгъан бары да затлар булан байлавлудур. ²³ Озьбашына иш гѳреген динчилиги, озь-озюн тѳбен салагъанлыгъы, къаркъарасына артыкъ зулму гелтиреген булай къайдалар, озокъда, нечик буса да бир гъакъыллылыкъны гѳрюнюшюн ярата. Гъакъыкъатда буса, гюнагълы напсындан устын гелмек учун, онда гъеч бир гюч де ѳкъдур.

3 ¹ Шолай болгъанда, Аллагъ сизин Месигъ булан бирче тирилтсе, Аллагъны онгъында Месигъ олтургъан кѳкелеге бакъгъыз талпыныгъыз. ² Ойларыгъызны дюньядагъы затлагъа тююл, кѳкелеге бакъдырыгъыз. ³ Месигъ булан сиз оьлгенсиз. Гъали сизин яшав Месигъ булан бирче Аллагъда яшырылып тура. ⁴ Месигъ сизин герти яшавугъузду. О къайтып гелгенде, сиз де Ону булан бирче макътавлукъгъа ортакъчы болажакъсыз.

Алдагъы ва гъалиги яшав

⁵ Шо саялы озюгюзде бар дюньягъа хас болгъан бары да затны: пасатлыкъны, писликни, напс къастланы ва ялгъан аллагълагъа къллукъ этивге ошайгъан кълзгъанчылыкъны оьлтюрюгюз. ⁶ Шо бары да затлар саялы Аллагъны кълзапланыву етишип геле тура. О тынгламайгъанланы такъсырлажакъ. ⁷ Бир заманларда сиз де шо затланы таьсирин сезип яшадыгъыз, шо ѳлларда юрюдюгюз.

⁸ Гъали буса кълзапланывгъа, оьчлюкге, ачувгъа, бугътангъа ва эдепсиз сѳзлеге арт беригиз! ⁹ Бир-биригизге ялгъан айтмагъыз, неге тююл де сиз гъали бары да яман ишлери де булан бирче озюгюзден алдагъы битимигизни алып ташладыгъыз. ¹⁰ Аллагъыбызны англайгъан даражгъа етмек учун, баргъан сайын Яратгъаныбызгъа ошай туруп, сиз даим янгырып турагъан янгы битимни кълбул этдигиз. ¹¹ Янгы битими булангъы адамгъа не ягъудилени, не ягъуди тююлени, не сюннет этилгенни, не сюннет этилмегенни, не башгъа халкъны, не кълр адамны, не къллуну, не азатны арасында башгъалыкъ ѳкъдур. Месигъ гъар затдыр ва гъар затдадыр.

¹² Сиз Аллагъны халкъысыз. О сизин кѳп сююп сайлады. Шогъар гѳре рагъмуну, языкъсынывну, саламатлыкъны, инсанлар булангъы аралыкъда илиякълылыкъны, сабурлукъну опуракълардай этип гийигиз. ¹³ Бир-биригизге сабурлу болугъуз. Эгер де биревню биревге хатири кългъан буса, гечигиз. Раббигиз сизден гечгенде йимик, сиз де гечигиз. ¹⁴ Шо «опуракъланы» устынден бары да затны камиллешдирип бирлешдиреген сюювню де гийигиз.

¹⁵ Месигъ береген паракъатлыкъ юреклеригизни тюз ѳлгъа салсын. Сиз чи бир кълркъараны ортакъчылары болуп, паракъатлыкъда яшама чакъырылгъансыз. Шюкюрлю де болугъуз! ¹⁶ Месигъни каламы бютюн байлыгъы булан сизин ичигизде яшасын. Ону каламы булан гъакъыллы кюйде бир-биригизни уьретигиз ва насигъат беригиз. Юрегигизде шюкюрлюк булан Аллагъга макътав, алгъыш этеген йырланы ва дин йырланы йырагъыз. ¹⁷ Не зат эте бусагъыз да, не зат сѳйлей бусагъыз да, Раббигиз Исаны аты учун этигиз, Ондан таба Атабыз Аллагъга шюкюр этигиз.

Уйдегилер булангъы янгы яшав

¹⁸ Гъей къатынлар, Исагъа иман салгъанлагъа лайыкълы болагъан къюйде, эрлеригизге таби болугъуз. ¹⁹ Гъей эрлер, къатынларыгъызны сююгюз. Олагъа артыкъ къатты болмагъыз.

²⁰ Гъей яшлар, ата-анагъызгъа гъар затда тынглавлу болугъуз. Шолай этсегиз, Раббиз де рази къалар. ²¹ Гъей аталар, авлетлеригизни къарсалатмагъыз, ёгъесе олар гёнгулсюз болуп къалар.

²² Гъей къуллар, сизин бу дюньядагъы есилеригизге гъар затда тынглавлу болугъуз. Яревкелер этегенде йимик, гёземеликге де тюгюл. Шону есилеригизни яхшы къаравун къазанмакъ учун тюгюл, гъакъ юрекден ва Раббизден къоркъагъан гъалда этигиз. ²³ Не зат эте бусагъыз да, шону инсанлар учун тюгюл, Раббиз учун этегенде йимик, гъакъ юрекден этигиз. ²⁴ Раббиз сизге савгъатгъа варислик бережекни билесиз чи. Неге тюгюл де, сиз гъакъ Есигизге – Раббиз Месигге къуллукъ этесиз. ²⁵ Яманлыкъ этеген гиши Аллагъны ягъындан тийишли къюйде такъсырланар, неге тюгюл Аллагъ биревню биревден артыкъ гёрмей.

4 ¹ Гъей есилер, къуллукъчуларыгъызгъа сиз де адилли ва тюз янашыгъыз, кёклерде сизин де Есигиз барны унутмагъыз.

Ахыргъы насигъатлар

² Эринмей-талмай дуа этигиз. Дуа этегенде, айыкъ ва шокюрлю болугъуз. ³ Бизин учун да дуа этигиз. Озьюню сырын, демек Месигни гъакъындагъы хабарны билдирмек учун, Аллагъ бизге де бир ёл ачсын деп дуа этигиз. Шо себепден мен гъали де туснакъдаман. ⁴ Мен тарыкълы къюйде, англашывлу сёйлеп болсун учун дуа этигиз.

⁵ Исагъа иман салмайгъанлар булан оьзюгюзню гъакъыллы тутугъуз, гъар имканлыкъдан пайдаланыгъыз. ⁶ Оьзгеге тюз жавап берип билмек учун, сизин сёйлевиюгюз гъар заман илиякълы, гъакъыллы болма тарыкъ.

Ахыргъы саламлар

⁷ Мени гъакъымдан бары да затны сизге Тигъик хабарлажакъ. О мени сююмлю иман къардашым, иш ёлдашым ва Раббизни ёлунда мени йимик бир къуллукъчу. ⁸ Бизин гъалыбызны сиз билсин ва о сизге ругъякъдан гюч де берсин деп, мен ону сизин яныгъызгъа йибердим. ⁹ Ону булан сизге Онесим де гележек. О да арагъыздан чыкъгъан биригиз, бизин инамлы ва сююмлю иман къардашыбыз. Мундагъы гъалланы гъакъында олар сизге бары да затны айтажакълар.

¹⁰ Мени булан бирче туснакъда олтургъан Аристарх да сизге салам йибере. Барнабаны зукъариси Марк да сизге салам йибере. Сиз Маркгъа

байлавлу буйрукъланы алдыгъыз. Эгер о сизин яныгъызгъа гелсе, ону яхшы къаршылагъыз. ¹¹ Сизге Иуст деп де айтылгъан Иса да салам йибере. Исагъа иман салгъан ягъудилени арасындан янгыз булар мени булан бирче Аллагъны гъакимлиги токъташсын учун загъмат теге эди. Олар магъа уллу кёмеклешив эди.

¹² Арагъыздан чыкъгъан биригиз – Иса Месигни къуллукъчусу болгъан Эпафрас да сизге саламлар йибере. Сиз Аллагъ сюеген ёлда камил, токъташгъан тынглавлукъда болсун учун, о даим сизин учун къасткъылып дуа эте. ¹³ Сизге, сизин Лаодикиядагъы ва Ераполдагъы иман къардашларыгъызгъа яхшылыкъ болсун учун ону аямай загъмат тегегенине мен шагъатман. ¹⁴ Сююмлю эмчи Лукъа ва Демас сизге саламлар йиберелер.

¹⁵ Лаодикиядагъы иман къардашларыбызгъа, Нимфагъа ва ону уьюнде жыйылагъан Исагъа иман салгъанлагъа менден де саламлар айтарсыз. ¹⁶ Бу кагъыз сизге охулгъан сонг, ону Лаодикиядагъы жыйында да охусун учун, ондагъы иманлылагъа йиберигиз. Исагъа Лаодикиядагъы иман салгъанлагъа язылгъан кагъызны сиз де охурсуз. ¹⁷ Архипге де: «Вёре, сагъа Раббиз тапшургъан къуллукъну кютмей къойма», – деп айтыгъыз.

¹⁸ Мен, Павел, бу энни гелеген саламланы оьз къолум булан язаман. Мен бугъавланып сакъланагъанымны унутмагъыз. Аллагъны рагъмусу сизин булан болсун.